

聖宋名賢五百家播芳大全文粹卷二十四

賀啓

諸司屬官

主管
檢法

運幹
摠幹

提幹

賀漕司趙主管啓

周必舉

伏審疏榮中宸叅畫外臺四乘鼎來方期披於樂霧
雙緘寵及乃預捧於郇雲恭惟 主管朝議與學根
經雅辭貫道內剛方而不撓外廉靜以無華朝路聯
輝有鷓原之難弟世科擢秀生鳳穴之好兒卓有令
名蔚為盛事回翔滋久蘊藉彌深輓粟飛芻聊贊木
牛之運懷鉛抱槧即陪金馬之游某猥假守麾獲陪

持之太自

帥屬式慰仰高之久良欣借潤之多

賀漕司王主管啓

宋茂德

伏審光膺宸寵榮贊漕儲視篆云初聞風增抃恭惟
某官器識宏遠襟度坦夷家傳高談塵之風流世
望仰夢刀之威重符彩已標於世瑞聲稱風擅於月
評挺碧梧翠竹之材見璞玉渾金之器外臺叅畫雖
未究於設施中宸求賢當別膺於除召某猥塵仕路
叨^郡感藩條聞台旆之鼎來搖心旌而倍喜首辱飛文
之寵益銘謙德之光

賀漕司周帳管啓

張德輿

伏審疏恩中禁贊畫外臺願修敬之未遑迺飛文之
先辱恭惟 某官詞林擢秀藝圃騰芳家聲高赤壁
之勲人物重青雲之器識高明而自得量恢廓以有
容踐揚蜚仕路之英蘊藉聳朝紳之望暫淹漕幕雖
未究於設施過奉宸綸當別膺於超擢諒無溫席行
即促裝某叨感藩條不閑使事每恨聞風之久未諧
披霧之因敬達柔緘仰謝先辱

賀漕司馬幹啓

楊子然

伏審入奉帝俞出隨使指束越裝而在道涉閩境以
之官先聲所臨公論咸屬恭惟 運幹學士神鋒映

按考本在

俗仙格邁倫故家元重於典刑今代獨高於文獻匪
謂國之喬木以有世臣尚愛公之甘棠而况其子臧
孫於魯必有後繞朝在秦豈無人從事外臺姑贊木
牛之運奏言前席佇連金馬之班某猥以非才謬茲
假守雖宦途^塗之新遇然姻黨之舊聯折白絹之封坐
驚雲翰揖紫芝之宇行欵風姿

賀倉司張幹啓

胡仲達

伏審䟽恩中宸贊畫外臺都騎鼎來將遂披於樂霧
朋緘寵寄乃預拜於郇雲恭惟 提幹朝議性質靖
深才資閱遠蔚有令望播於清時原隰皇皇暫出陪
於使部省臺袞袞即進擢於公朝某猥布教條方親
名理式副仰高之久良欣借潤之多惟心所懷匪面
焉既

賀憲司呂幹啓

周季茂

伏審光庸宸檢叶贊憲臺望夙著於公平下舉聞於
抃蹈恭惟 某官生資渾厚抱德醇全以大丞相流
慶之賢佐部刺史宣風之寄分行郡國諒無濫罰之
寃贊理條章當著輔成之績廣聖主好生之德懷君
子^近厚之心雖未究於設施已足明其惻隱園扉鞠
草行與有功西掖判花姑惟少待某聞風鄉也披霧

邈然茲承騎氣之鼎來首辱書函之下逮占詞叙謝
涉筆奚周

賀憲司檢法啓

黃廷秀

伏審光膺宸綍榮贊憲臺詳研丹筆之文益重清時
之選見聞所暨歡抃惟均恭惟 某官體被中和才
周果藝勤勞州縣不邀邀當世之知練習憲章多傳通
儒之議此簡平反之望出陪直指之行紙上深文快
埽煩苛之弊毫端陰德自為富貴之符某猥以窮途
將承餘映倦游半世方嗟舊事之空妙札五雲竊喜
新知之厚

賀胡錢監啓

熊子復

伏審祇奉茂恩榮司清職東越吳裝而在道涉閩境以
之官先聲既傳公望咸屬恭惟 知監學士神標凝
峙仙韵粹清飛翔蓋寘於京華留滯尚居於筦庫乃
眷長安之錢掾寔隸上林之鍾官聊發新硎豈勞游
刃周園九府會見充盈漢札十行佇聞褒擢某猥游
郡幕獲比賀官僚惟心所懷匪面馬既

坑冶司朱幹啓

陳建中

伏審光膺宸檢榮佐泉司凡預帡幪舉增欣抃恭惟
某官丰姿秀整器識宏深棲烏傳楊府之家聲佩

印仰錦衣之世望風采已標於人瑞名稱夙擅於月
評躋仁路以踐揚聳朝紳而推重鼓鑄一格式資贊
畫之功凌厲九霄當被褒除之寵蓬羽即班於鵷鷺
致君肯會於風雲某濫竊儒科叨承邑寄徒弊筋力
何補毫毛自慙頑質尚資陶冶之功敢贄尺書敬布
依歸之意

賀總管司王幹啓

王履道

伏審中宸疏思外臺贊畫有識交頌不謀同辭恭惟
總幹朝議古學精深天材挺特議論得古人之醇
正文章追作者之規摹出自相門雅為人表荐更撫

仕藹著休稱家藏三萬之牙籤已擅書林之富世有
千金之玉海更韜儒席之珍暫陪幕府之宴談即遣
朝簪之班列某猥叨聯事將幸通辭懷蒹葭倚玉之
慙願希借譽丐瓦礫成金之賜當藉包荒頌詠之私
敷宣罔既

州官 教授 簽判 察判 察推
知錄 司理 司法 司戶

賀陳教授啓

王志夫

順流而行東海曾獲望洋拄笏而對西山將聞致爽
適茲馳想遽辱貽書伏惟 某官驚座雄文卧棲逸
韻不事一室亶為有用之才將出六奇以佐太平之

運暫采芹於絳帳即分燭於青藜某碌碌尸官拳拳慕義念旃蒙作噩之歲曾識面於荊州而單闕執徐之年復同寮於士會永言欣幸莫罄敷陳

賀徐教授啓

周少淵

分職儒林下車鄉校高名夙著多士相歡自昔人昧五常之原而後世無三代之學大道殫殘於秦法衆言叢亂於漢儒以公羊為賣餅家蓋譏淺俚謂太玄可覆醬瓿尤病支離國家崇飾儒師發明道德排異端之戕賊歸妙理之淵源必先因性而治身然後事君而成物故於教養益重選掄伏惟 某官德性靜

深天材秀擢非先王之言不道以大人之學自修將趨步於紫垣暫棲遲於泮水金口木舌一坐盡傾白日青天衆人皆仰鳴絃盈耳投屣滿門從善若登並席幾四科之列聞風而作擔簦多千里之行禮義相磨英豪輩出將見東徐雅俗共陶闕里之餘風正觀名卿半出汾陽之高第行膺嚴召別踐要津慕義素深瞻承良幸

賀王教授啓

王叔珪

槐市聞風未識元魯山之眉宇蘭陵取友欣傳鄭博士之才名瞻際非遙黃緣甚幸恭惟 某官莊鵬奮

翮崑玉凝姿蜚學海之英拔穎每先於多士廣詞場
之勇奪標迨遍於諸科暫分泮水之芹即造昕庭之
鷺某濫丞支郡無補縣官愛莫助之方深憂於王事
吾知晚矣將得見於善人矧先十部之臨益重寸心
之感

賀陳教授啓

鄭之望

千室之邑使為宰方虞製錦之傷一卷之書必有師
喜有樞衣之幸豈特陪銀袍而鼓勇且將觀壁水之
增輝恭惟 某官學無不通文皆自得辭源浩瀚一
時爭慕其才筆陣縱橫諸公無出其右遊戲示工於

三昧笑談連掇於兩科煥乎經緯之雄詞喧然膾炙
於衆口聊居領袖未究規摹招諸生立而誨之未見
三鱣之效祉謂先生自此陞矣佇觀一柱之擎天某
自愧塵埃日縻丹墨未能擁被聽朝衙之鼓徒勞戴
星肩夜出之輿誓一洗於胸襟冀飽聆於謦欬且小
以成小大以成大學者孰不傾心然見所未見聞所
未聞小子願安承教

賀黃教授啓

晁子淵

伏審荐掇巍科尚淹重席當多士應賢書之歲正先
生臨侯泮之時伏惟 某官擢秀橋門飛英藝圃春

二狀元之鄉曲素懋斯文繫一真儒之範模來迪後
進欲試青雲之步姑橫絳帳之經士雖得有道而正
焉上念何相見之晚也某顧慙假守獲並英游佇聆
絃誦之興一洗簿書之冗茲為幸會將事從容

賀游教官啓

張欽夫

疏恩北闕分教南邦出御史之名門先聲已著羣諸
生於泮水講習方嚴恭惟 某官文采飛英豈第從
政蓄於平素既以致遠為心見於施為常有躬行之
寔念此都會夙多俊良正資教養之功庸底作成之
盛識其大者豈誦說云乎哉何以告之亦仁義而已

矣某一適風宇三易歲華欣聞徒御之臨首拜牋詞
之辱自慙短翰曷報塵渠即聽令名少慰孤陋

賀陳教授啓

熊子復

伏以神標挺出風翼欵於風姿仙馭鼎來顧枉貽於
雲翰審韶光之駘蕩諒行色之雍容恭惟 教授正
字奧學根經懿文貫道才博通於世務譽卓冠於時
髦傳道魯侯之泮宮未妨遠業校文老氏之藏室即
被新除某猥假一麾過勤雙牘寸抱第增於搖曳尺
緘聊附於回翔

賀鄭簽判狀元啓

楊廷秀

幕府粹清不妨尋東湖西山之勝江城踈遠未應屈
石渠天祿之英或謂其羈離而愁思夫豈緣中外而
欣厭恭惟 某官以海內寡二之學收天下第一之
科舉首子大夫之中蓋今日之董相誦言諸宦寺之
輩乃登第之劉蕢奏篇一傳紙價十倍何上意驟用
而不可猶舊章相襲而或拘翩然科飛來此外補民
豈無瘼正恐非在位之敢陳公於斯時力行其所言
而孰禦必能條白以次罷行上裨仁賢之主人下慰
歡呼之父老六月之息鵬背未必欺然十年而到鳳
池故應未晚某自知其拙世指其狂少也勃乎欲竟

造古人之處今而老矣聊坐觀半世之非周章折腰
瑟縮掣肘宦情寂歷冷於楓落之江歸夢紛紜空遶
菊荒之徑敢圖貧病之末路焉依蔭映之餘光

賀葛簽判啓

周元吉

伏審首充賓幕光贊守麾九里之潤旁霑方依芘賴
五朶之雲下賁尤認謙冲屬徒御之遽臨顧緘綴滕之
未具恭惟 簽判朝議神標凝峙仙韻粹清仲尼顏
閔之傳妙臻名理太史莊騷之作深達典刑氣節凜
然聲華藉甚持綱紀於上郡暫屈壯圖聯步武於中
朝佇膺殊渥某浸鄰衰境猥試冷曹直諒多聞既仰

淵源之學中和樂職尚賡標準之詩

賀李簽判啓

胡子才

伏審光被恩章寵遷郎秩曾未馳於柔牘乃先枉於榮緘厚意所隆感懷殊劇恭惟某官風徽端雅襟誼粹明早揚歷於宦游固聳傾於輿論郡條關決嘗歌敏贍之才賓幕叅謀重屈優長之畫即傳顯詔別陟要途惟清履之順綏庶真祈之默契

賀詹察判啓

劉夷叔

屈從郎選來佐郡條慨吏役之繁興似非所處想儒者之綠飾終自不同恭伏惟某官學窮淵源器有防

檢早策榮於昭代思騰茂於要津追討平生已宜在金馬石渠之地何其萬里尚能為紅蓮綠水之游雖雅量固已安之要明論不為悞也某老且隱去貧為祿來雖客嘲楊子雲之窮自期不解於魯得柳下惠而友孰患無徒願勤跋涉之勞少慰僊瞻之意

賀石察判啓

李西美

伏審選自銓曹隸於藩幕首贊二天之制先蒙十部之貽仰認謙冲俯憐遲鈍伏惟察判朝議英姿邁俗清望映時嗣文獻於故家追典刑於前輩聲華籍甚氣宇浩然大府之會才能暫煩小試本朝之進英

雋即被新除某猥薰郡條幸私僚託愧未通於訊牘
辱先枉於誨函惟心所期匪面焉既

賀余察推啓

石敏若

伏審䟽宸檢廷贊條藩幕青天雲霧風景仰於英姿
綠水芙蓉暫淹留於逸步邦人昏慶僚友交歡恭惟
察判朝議氣節凜然聲華藉甚淵源師友學已倍
于聖傳波瀾老成文更追于古作回翔甚久恬養彌
高眷大府之務繁藉元寮之才敏紛綸殊狀孰逃照
水之犀寥廓亨衢不礙中霄之翼某猥充計掾獲附
雋游蔚乎相輝方仰誦誦之譽退然無用自憐碌碌
之蹤

之蹤

賀楊察推啓

虞元老

伏審宸廷錫命藩府贊條凡與見聞舉增欣抃恭惟
某官襟靈凝遠器度端方得岷峨之秀為最多養
江海之源而有本身昔居於章布學已務於經綸果
以謹言親蒙睿擢今既同孫夢得用文詞而取甲科
終必如范景仁聳風節以名天下自是朝廷之選寧
容幕府之淹綠水紅蓮聊借途於鄉社青天白日行
振翼於雲衢某比屬選轅幸承傾蓋衰遲何取猥見
推同道之先緘翰遠貽更俯執下官之禮得見情文

之厚豈非聲氣之求

賀潘知錄啓

鄭伯厚

仰膺宸檢來糾邦聯遂忝同僚甚該公論伏惟某
官端方器局練達材猷暫領袖於郡曹行襟裾於省
闈顧惟朽質獲覩清標未遑尺牘之修先辱駢函之
貺

賀馮司理啓

熊子復

伏審天府簡僚高才作掾協贊專城之治允資折獄
之良先聲既傳公望咸屬恭惟司理學士才資閱
遠氣質靖深妙臻師友之淵源夙振文章之光豔自

言挺出宜踐要津豈謂晚成見推大器嚮已淹於征
筦茲猶試於理曹雖屈壯圖寔階臚仕某猥縻郡祿
獲比官聯方德庇之是依枉誨函之先逮銘感惟劇
頌歎曷勝

賀陳司法啓

鄭子履

伏審顯膺異數榮領決曹留心丹筆之文振迹青雲
之路見聞所逮欣抃惟均恭惟某官襟度坦夷器
識宏遠秀毓珠星之間氣家傳玉几之遺芳刃恢恢
而有餘事多多之益辦藩條小試式觀詳讞之功剡
牘交飛行有薦揚之寵某棲遲薄宦偃蹇餘生莫承

醞藉之風久贊講聞之日濯纓而起自慙棲枳之香
斂板而趨幸際詠梅之遜其為欣幸莫既敷陳

賀鄧司戶啓

陳阜卿

伏審擬自銓曹掾於潛府千里寔繁於版籍庸有贊
禪一時並萃於輩流卓為魁傑先聲所至公論皆歸
恭惟 司戶學士與學根經懿文貫道爭鋒文陣已
高掇於魏莪發軔仕途宜大施於霹靂此殆哲人之
細事亦非俗吏之能為編郭丹之事於黃堂庶為永
式薦竇章之名於東觀即有新除某久矣仰高茲焉
借潤顧未遑於馳牘迺先沐於飛函

縣官 宰 丞 簿 尉

賀許宰啓

陳仲思

光膺芝檢榮撫花封凡藉旃幃孰不抃蹈恭惟 某
官以太嶽之後繼箕山之高堂堂乎天下節義之閑
皎皎乎屏間月旦之日詩成白也無敵筆落潮乎通
神父子聯榮無歌向異同之論弟兄接武有機雲俊
爽之才茲暫試於牛刀誠未展於驥足朝歌地隘器
寧畏於蟠根彭澤春回門遂青於植柳瞻遽寒於猾
吏氣皆壯於良民政號神明手驚霹靂狗偷鼠竊望
風而斂迹者何多雁集鳧趨開口而待哺者皆是陽

春有脚水鑑無私回千室以熙熙照羣心而凜凜諒未溫席即膺召環某農圃遺民部封末士早受一經之訓妄希三釜之榮撫長鋏以興歌對短檠而自勵輒懷襍刺遊拜膺門雖桃李不言非有成蹊之意而燕雀相賀寧忘栖廈之心

賀張宰啓

張仲謨

嚴擇剛毅已諧視事輒憑柔翰用展賀儀惟豈弟之素聞想吏民之增喜伏惟歡慶恭以某官天資渾厚人品高明郡縣多所踐更名實加於上下承宣雷地剗裁姑試於牛刀騰踏雲霄簡注行膺於鳳詔某竊叨郡屬忝與宗盟披晤行軒既獲據於傾嚮欣承交印得暫假於依棲瞻頌惟深敷宣罔既

賀李宰啓

林豈塵

桑梓相鄰未嘗有一日之雅草木同味將共事三載之間嗟幸會之何多慰平生之所願恭惟判縣中大儼碩有立超邁不羣當從諸公衮衮臺省之榮肯隨俗吏區區州縣之職以治蒲治鄭治單父皆試其才而曰宰曰尹曰大夫豈輕所任矧番禺號為劇邑於東南寔倚名藩自皇祐以來隸籍凡三萬戶由蕭政而後蒞官者二十人星行已及於一周雷震不聞

於百里吏懷狙狡而頑悍滋甚民雜蠻蜚而訓治愈
難必須藉我公明斷之能然後革累年積習之弊蓋
盤根可別利器在熟路宜駕輕車雙鳧正羨於喬仙
一鷄當隨於禰薦某牽絲云始為耒徒勞幸君子之
肯來與邑人而為喜且仇覽枳棘烏敢忘棲鳳之稱
而子游絃歌當與聞割雞之笑其為欣抃曷罄敷陳

賀袁宰啓

郭文紀

俯臨雷地已聽事於剛宸辰仰望雲天爰詐懷於柔翰
下車甫爾騰誦翕然伏惟歡慶恭惟 某官醞藉天
資淵源學海發策決科於桂籍授經傳道於芹宮姑

試臨民製錦暫煩於牛刃行觀報政頌綸佇下於鳳
函某下幕備員崇閣託芘嘗披承於芝宇馨效獲聞
阻趨造於花城譽依徒切

賀林宰啓

綦叔厚

伏審疏渥清朝承流鉅邑山川增爽共迎鳧鳥之臨
風俗還淳暫屈牛刀之試恭惟 知縣朝議規摹宏
遠醞藉醇深粹然家學之傳藉甚士流之仰才豪無
敵一洗而凡馬空政妙有神四顧而全牛解某猥先
郡幕獲比官寮都騎鼎來即遂披於樂霧雙魚寵及
乃預拜於郇雲尺緘聊附於回翔寸抱第增於搖曳

卷之六

賀孟宰啓

馮元通

雷地承宣濟恩威於此日雲天披靚慰想慕於平生
吾道有光斯民何幸恭惟 某官天資醞藉學術淵
深才華以取科名儒雅以飾吏治委蛇仕路剴裁姑
試於牛刀洋溢教聲拔擢行頒於鳳檢顧惟陋質曾
際英標倥偬塵襟誠未修於尺牘并色德量既先辱
於駢緘

賀程宰啓

鄭伯厚

行臺被命望邑承流愷悌有聞吏民胥慶恭惟 某
官學優製錦道裕鳴絃政未及於下車民已深於引

領屬茲式郡喜得賢僚未遑尺素之修先辱長緘之
貺內惟覲愧仰認勞謙

賀戴丞啓

熊子復

伏以一行作吏緣飾皆儒雅之條再轉為丞殿最必
清真之譽何先貽於尺牘庸少叙於寸懷恭惟 知
丞正字仙韻遠清神標凝峙氣浩然而養之以直望
儼然而即之也溫雖六月之鵬早上於搏扶而百里
之鸞嘗栖於枳棘高才荐屈姑臨雁鷺之行大器當
升定造駕鴻之侶拱而俟耳誰曰不然某猥以衰齡
謬當劇邑薦雁書雖上許呈身集鳳之堂代者何遲尚

卷之六

卷二十四

共

絆迹飛鳧之舍敢嘆瓜期之度但欣越蔭之依予不
負丞丞負予君誠自謂我匪求蒙蒙求我僕願相資
聲雖成文言莫盡意

賀詹丞啓

朱子淵

伏審調官銓曹裁令劇邑才尚淹於涉筆良鬱衆情
既先在於飛緘仰欽厚意恭惟 知丞朝議性質凝
重心術疏明炳然翰墨之華藉甚搢紳之望回翔浸
久醞藉彌優再轉為丞雖雄圖之少屈八命作牧諒
華渚之方來某頃幸承顏茲辱貽翰貢小夫之牘少
寓微誠依君子之寮尚資餘庇

賀鄧丞啓

虞智周

種潘縣之花慙無妙手對崔庭之竹願托濃陰矧先
十部之臨益重寸心之感恭惟 某官行方以峻德
粹而溫景星鳳凰衆皆爭覩渾金璞玉世莫能名友
士尚論古人用儒以飾吏事先聲所重豈惟清雁驚
之行精意潛通端可息風濤之害涉筆占位難淹於
大手聳壑昂霄何礙於橫飛不待突黔即膺泥紫某
尸位碌碌慕義拳拳願識面於荊州喜同寮於士會
豈為際遇將事從容丞負予予負丞佇看搢紳之美
子生孫孫生子永為仕契之榮

賀張主簿啓

元子俊

一行作吏備員方愧於哦松蘇政得賢庇職獲聯於
 棲枳車塵在望私分自榮台命寵光感懷宗增懼恭惟
 某官學博以約德粹而溫翠竹碧梧外想威容之
 閑雅青天白日中涵氣質之清明盍據經濟之才姑
 領勾稽之職暫閱簿書之冗勉從會計之勞蓋將託
 宿於遽廬行且騰芳於楓陛謂百里豈大賢之路吾
 嘗聞之彼十行皆細書之文子其然矣某叨塵末路
 濫吹負丞初考已書寸功無補徒有慙中之愧曾無
 善後之圖同舟而無異心庶幾共濟會績而借餘燭

更賴分光

賀沈尉啓

趙德莊

伏審擬自銓曹掾於巖邑協佐鳴絃之化式資綵棒
 之威先聲既傳公議允屬恭惟 仙尉學士根經種
 學貫道締章中蘊氣以浩然外騰聲而藉甚盍積登
 於儒館猶須試於尉曹吏隱吳門尚晦子真之德盜
 奔晉國已收士會之功某猥服冷曹嘗歎英槩欣尚
 依於華蔭愧預枉於珍函

賀魏尉啓

張全真

山城攝事滿懷三斗之塵函使將勤有寵雙魚之貺

於德固謙矣斯心其謂何恭惟 某官韻宇儲崧彌
文倒峽刃游餘地翩翩信公子之佳吏隱仙官鬱鬱
豈此居之久佇膺奏最式大前修某伎止於斯老之
將至云胡不喜得平生概識之人惠然肯來賴王事
同寅之助所藏胸次未竟毫端

監官

監鎮

監場

監酒

監稅

賀李監鎮啓

陳師禹

伏審涓選剛辰典司清職動歡聲於井陌回爽氣於
西山恭惟 知鎮朝議仙韻冲深神機凝靜藏之以
待如白壁明珠之珍叩之則鳴若黃鐘大呂之韻粹

然家學藉甚時名暫煩閔市之征壯圖上屈行被廟
堂之擢異渥方來進任中朝用光先正某猥居郡幕
獲比官聯昨預拜於郇雲茲又披於樂霧甚慰仰高
之久良欣借潤之多倍激卑悰式殫危悃

賀李監場啓

程子光

祇膺綸渙分典貨源進用所階流聞相慶恭惟 某
官家傳素業行蹈清規久忝幕府之游積有公朝之
譽維茲新命寔是中都使八政之允修內能富國則
三軍之素飽外足強邊選任匪輕褒嘉可待某風期
自昔問訊未遑拜藻翰以甚榮撫懦衷而增愧

卷二十四

九

賀孔監場啓

史唐老

伏審光奉茂思肅司清職才尚淹於筦庫良鬱衆情
既先枉於緘滕仰欽厚意恭惟 監場朝奉受才傑
異造理精微大族本於中州華胄出於先聖粹然家
學籍甚時名雖暫屈於壯圖諒即膺於異擢某自憐
碌碌殊愧翩翩依君子之僚尚資餘比貢小夫之牘
少寓微誠

賀翁監酒啓

張文饒

平生仰德常馳引領之情今日依人幸有盍簪之契
承顏伊邇撫已增榮恭惟 某官食德慶門飛聲仕

路神助孟觥之句知醞藉之有餘爾惟鞠藁之才或
設施之可卜暫榮心計即以最聞公家之利無不為
曰既富矣賢能之舉不待次行將見之某^粗知讀書不
習為吏半生牢落技何取於穿楊一第間闕仕偶沾
於棲棘不圖際會獲有依承矧惟託宿之居密邇移
封之地簿書餘暇敢忘請益之勤樽酒相從當奉論
交之款

賀游監稅啓

王子禮

瞻風滋久預懷傾蓋之誠卜日鼎來行有盍簪之契
其為厚幸寔倍常情恭惟 某官德蘊中和氣全剛

大涵養廟堂之用淹回閔市之征貨財所積以如山
商賈願歸於其市暫勞心計即以最闡膠鬲或起於
魚鹽當從此始文子不輕於筦庫必舉所知某粗知
讀書不習為吏凡錢穀米鹽之事未嘗過而問焉今
簿書期會之榮勞乃由此其選也尚虞狂斐或致曠瘵
有以利吾國乎已卜其鄰之富友其士之仁者幸分
我燭之光

兵官

統制 路分

賀韓統制啓

范東叔

欽奉詔書進褒師律直上閨之嚴近為中壘之光華

恭惟 某官才雄萬夫身履百戰稟山西之氣膺閩
寄於九重破歷下之軍續家聲於千古果掃妖氛之
暴亟升勇爵之榮某久仰戎輅昭况依鄰寶贊喜未遑
於奉記披誠首辱於滕牋徒積感銘數宣曷既

賀曹路分啓

徐南仲

長劍倚空壯矣平生之志高牙啓道重歡言指日之迎
未瞻燕頷之竒姿有寵鸞經之妙墨先生暮齒庇託
餘陰恭惟 某官千里折衝一身是膽矯矯戎輅昭之
義英英武緯之雄賸馳銅柱之名暫屈金華之地蛟
龍得雲雨詎聞鬱鬱之居貂蟬出堯登拭目津津之

喜某叨丞一障幸歷三時居聞騎氣之來殊激懦衷
之立顧橫槊賦詩之逸可得而聞使磨鉛舐墨之流
亦足以發

二月杪入山探杏小住清泉梅得一卷

聖宋名賢五百家播芳大全文粹卷二十四

聖宋名賢五百家播芳大全文粹卷二十五

賀啓

試中科目

館職 賢良 狀元
及第 發舉

賀試中館職啟

歐陽永叔

被召試文陛華儒館伏以 某官天麟異稟廟璉至
珍學通今古之淵源言合質文之體要英躔高步羣
俊夔^聳以望風雄鼓籠材妙選稱為得士果膺帝意入
耀書林給札揮毫聳如墻而駭目奏篇稱善喧貴紙
以傳都惟秘府之育賢乃熙朝之盛美優游歲課豈
鉉槩之是專選取國材實棟梁之此出蔚然茂業奚

測遠塗方懷并躍之私遽辱置郵之問仰銜隆眷徒切愧誠

賀試中賢良啓

楊大年

制科攸設崇重賢良仙殿肇開是司圖史必得一時
之後彥始膺萬乘之選掄恭惟 某官蘭蕙騰芳珪
璋挺質鍾東南之秀氣爰負美材歷州縣之下僚久
淹初命明詔適求於茂典異名卿爰覩於薦掄召對紫
庭祇膺清問揮毫洒落見武仲之不休對策稱嗟升
平津于第一翌日便頒於成命十洲式慶于榮登暫
淹推惟月之曹豈測搏風之勢

賀試中賢良啓

楊大年

賢良之選今古攸難漢道方隆嘗聞下詔唐室之盛
式覩懸科允屬聖朝恢復前制恭惟 某官文辭英
發學術淵深西洛馳名早聯衡於二陸東堂較藝曾
得雋于一枝旋膺聘于旂旌久淹翔于樽俎適大君
之虛佇果近列以明揚祇謁紫庭恭膺清問膠西條
對明三代之質文主父登延形一人之歎息俄被絲
綸之命榮歸翰墨之林公朝蓋示於育材書府聊資
於假道默誦三篋雖同安世之補亡分判五花即見
相如之視草方增善頌猥沐華賤仰披藻縟之辭尤

掛卷大全

切歎降之懇

賀試中賢良啓

曾子固

設科以求特起之才發策以訪可行之論是為高選
果得異能恭惟 某官志敏以強詞嚴而瞻迹前世
之事而博極羣書議當今之宜而常引大體及親承
于聖問遂絕出于時髦方喜聞風遽蒙枉記仰惟謙
抑之過第積感銘之深

賀試中賢良啓

張欽夫

發策大廷蜚英雋軌所論不苟公言允孚惟皇家設
科本取多士之用而君子從政豈為一身之謀故官

本自存回巖
主何居

無尊卑而報國則均事無小大而行志則一方觀遠
業以慰輿情先辱愧于辭牋徒增深于感抱

賀試中賢良啓

朱廷瑞

膺詔造庭奏篇入第一時遴選多士榮觀竊以唐漢
設科蓋以符待非常之俊劉董論事亦足見有為之才
國家累聖相承得士甚盛半為當世之公相或出同
門之父兄自非學洞天人識貫古今發憤吐懣不懼
櫻鱗之危拯溢扶衰深知調瑟之變則何以禮隆側
席望重播紳抗足而脫塵埃竊首而登雲漢恭惟
某官明燭萬里富兼九流不為章句之腐儒竊鄙簿

潘芳大全

卷二十五

三

書之俗吏以天下而自任為衆人之不能謹論激揚塵_壓
以萬鈞而彌壯多聞霽霽窟之一日以如流理物有
藥石之良及民如布帛之煖通達國體疑素_宦于
朝動寤上心恨相見之晚較然明白畧已施行_頂說
說之有原將陶鎔之在手某素惟寡學猥預持衡觀
水于瀾詎窮渤澥按圖求駿偶識驂騑惠然投我以
夜光何有報君之玉案載懷謙抑益用闕藏得之若
驚常欲置之懷袖永以為好猶將示諸子孫感服之
私誦言罔究

賀秦相子狀元及第啓

汪彥章

伏審令嗣狀元親承聖問擢冠羣英朝廷欣貢舉之
得人天下慶公台之有子臚傳一出與頌交馳恭惟
某官勲塞兩儀澤流百世惟盛德神明之克相故
英才似續以方興赫門閭_闕之光輝新江山之氣象三
年而奉詔策固南宮進士之所同一舉而首詞科_儒蓋
東閣郎君之未有擅場屋敢言之氣入衣冠盛事之
圖老成識面以爭先童稚祝身而願學雖迫于典故
姑令王勃以居前然結此眷知行見魯公之拜後某
傳聞榜帖屬守麾符滄溟徒看于鵬搏大廈莫陪於
燕賀暑風清淑機務優游願求_育粹之和益茂象賢

之慶

賀狀元及第啓

汪彥章

蘭省登賢鼎分三傑楓宸賜第獨擅一夔首躋^膺綸綍
 之褒亟陟蓬瀛之峻朝廷著為盛事衣冠流為美談
 伏惟 某官器博以周才全而敏心傳家學世代王
 言圖萬里之鵬搏廿十年之獲屈高文大冊謂非公
 而誰宜為勁草孤標顧於我不容何病果趨明詔下
 應^旁勞求真一世英當萬人敵有昔山林翫^翫之氣無
 時科舉翫^翫之風卓爾不羣哀然為首名未題于雁
 塔身已致于麟臺力追前人每收舊物乃如無狀嘗

佐攸司先覩大篇口誦手披之不厭精研與旨心悅
 誠服而可知媿修謁之未遑辱貽音之驟及備陳至
 契益^伏下風惟韓氏之少師暨吾家之大父一時相
 與四海共傳逮至嚴君亦蒙特薦僕之恩地公寔外
 門子幼文章已增光于太史羊公事業將不愧于中
 郎靜言浮議之有加深激悃悃而無已定交伊始啓
 事莫窮

賀狀元及第啓

王瞻叔

臚傳上第魁冠羣英下明詔于九天恩光桂籍收大
 名于一日光映儒林^伏惟懽慶恭惟 某官英氣凌雲

宏材聳壑富以巾箱之學發為金石之辭卓爾異人
時推于間出偉然大器不俟于晚成以妙齡秀發之
資奉高誼講明之對諸老誰先于賈傳天子親擢
於平津喜黌舍之有人掩詞場之得雋惟他日公卿
之路當由此而致君凡一時父母之心皆向風而祝
子華塗始踐遠業難量某久壓齏鹽更寬珠玉知
洋洋于流水偶贊文衡引皓皓于明堂寔由聖鑒擁
長綫而宵顧溢陋巷于以生光

賀狀元及第啓

王瞻叔

唱第中宸冠名上甲雖事從故典推龍首以居先而

思出清衷並桂林而擢秀伏惟慶慰恭惟 某官文
知體要學有淵源望久重于鄉閭聲特高于場屋屢
泣荆山之璞知者其誰獨入騰豐獄之光終然莫掩擅
世學以獨步沾皇澤以兼收有孤黃卷之心恥試紅
塵之吏再鼓作氣一鳴驚人冕旒凝一夜之觀軒陛
首春雷之震以賢良三策而為舉首遂繼家風起徒
步數年而取封侯更看晚節某頃因乏使忝預攸司
設網于河偶值靈龜之入窺班以管詎窮文豹之奇
方喜得于真才忽過蒙於盛禮

賀第二人及第啓

吳叔玉

賜第宸廷聯名鼎甲傳玉音而申諭藹桂籍以生光
恭惟 某官經史淹該文辭瞻蔚卓爾功名之志見
于議論之英以資為郎欲獻相如之賦隨計詣闕果
蒙漢武之知殊科收摘領之功絕技有中眉之恨高
名始唱寔居季孟之間故事攸拘遂處王楊之後昭
聲華于白日開途轍于青雲某頃預攸司獲觀大
對拔象犀之寶本自因人標龍虎之稱徒欣得士感服
感服盛事賜長綬賦仰謙德之光亨增鄙悰之感激

賀秦相孫及第啓

陳阜卿

省元較藝南宮首出譽髦之選陞華內閣特新次對

之班逮廣漢之策名登甲科而賜第朝紳聚歎再觀
臚句之傳宮壺發祥交映本宗之盛驪騰遐邇適事冠
古今恭惟 某官當代元勳生民先覺優入聖域非
堯舜之道不敢陳化成人文雖管晏之功可復許黼
黻皇猷之麗棟梁王室之安西被東漸治巍巍而日
起前英後哲福袞袞以川增府聯槐棘之榮庭萃芝
蘭之秀惟時洪冒誕毓巨儒開德藝于晨昏奉義方
於左右俯從布韋之士獨步翰墨之場動喜色于三
台標高名于千佛蓋孟子近孔子之世况親見而知
之而僖公寔周公之孫宜熾昌之俾爾天意永延于相

業輿情傾屬於師瞻某久託大鈞遯聞盛事上聖主
得賢之頌雖愧軼材歌君子有穀之詩徒懷胥樂

賀秦待制及第啓

陳阜卿

南省擅場廣廷賜第延登次對通內朝侍從之班典
領真祠兼史館刊修之職增公府之盛事聳儒林之
美觀播之邇遐孰不欣抃恭惟 某官清標秀發鉅
德早成文章顯華國之才共推大手經術稟趨庭之
教自有異聞一從俊造之班再擬魏莪之選洎承聖
問仍擢甲科魁星連台曜之暉綵服映恩袍之色遂
席明綸之寵亟躋禁橐之榮奉香火于琳宮不違娛

侍細圖書于石室允藉編摩式彰眷注之深併集便
藩之渥周公為師而召公為保左提右挈而仰成顏
氏之子而閔公之孫果後哲前英之繼起某濫將使
節久託恩門襲紫傳龜竊贊相延之慶抽毫進牘敢
伸賓客之誠

賀秦少保男及第啓

陳阜卿

省元擅場南省次對西清臚傳肅唱于大庭風采復
高於前列一人增體貌之重四方傾星斗之誠武偃
文修當昭代世臣之盛陰德陽報喜慶門有子之賢
凡在聽聞舉深歡抃恭惟 某官德充宇宙功贊陶

甄中外倚太平之基父子著大儒之效彌綸治績有
古王佐之才模範士情曰予天民之覺神相百祥之
積嗣生一代之英淡書墨名魁星助台堦之象紫荷
入侍雲衢近天漢之章旋躋甲第之華光賁上游之
選益隆譽處進拜寵榮教子義方得師承淵源之自
有祖風烈永功名福祿之傳某迹托化鈞身拘官次
誦衣冠之盛事贊恩闕衮衮之祥阻賓客之後塵罄
賀烟區區之蘊

賀人子及第啓

陳阜卿

慶發庭蘭榮攀月桂奏名墨榜已巍壓于羣英策第

楓宸竚首題于千佛喧騰士論喜溢親闈恭惟 某
官學海梯航儒宮柱石崇言闕議鬱為天下之宗師
直道公心肅振臺綱之風憲久慰士林之望載瞻砌
玉之芳想九齡與於元文恥一經窮于皓首談論久
聞于歌向才華兼擅于卿雲且慙俗子之羸金况在
故鄉而衣錦有是父有是子價重措紳無以立無以
言訓聞詩禮宜地芥之俯拾看雲路之軒昂行觀至
德之榮同居禁筦更聽元戎之貴繼踵台司某頃佐
邑于鄞川獲摠衣于絳帳進而加諸膝雖子弟無以
加焉退則銘于心若天地不能忘也側聞伯魚之騰

踏謾馳賀燕之驩呼願展寸心輒先尺牘永言借况
彌切凌兢

賀人及第啓

李守真

奏藝明廷策名上第喧前騶于廣路觀者肩摩落餘
藁于四方傳之紙貴望高時俊光動儒林乃太平養
士之功亦諸生稽古之力恭惟 某官天姿峻嶽學
術粹深壁水升堂七年並席金鑿唱通籍一鳴驚人蓋
志大而氣豪故實修而名至落落高騫于日下錚錚
獨韻于彀中御史直聲固遺風之自許平津相業不
數載而可期某夙仰英游阻聞緒論方欲效李邕之

識面慕盧仝之卜交奉詔殿廬幸觀落筆曳裾公府
復枉過門惠然授我以夜光何有報君之玉案載懷
深厚但極感藏通衢在望絕足方道陽春白雪之音
一時寡和金馬玉堂之步指日可期某猥預盛時喜
聞榮捷雖仰洛中之價未親麈尾之談

賀人及第啓

林豈塵

兩家各生子惟城南能勸其讀書一門三秀才故天
下皆歎其高第以古而視於今則榮恭惟 某官學
有新才文得真訣以胸中之氣獨尚而耿耿而紙上
之語不為乎區區詞場敢對于別頭筆陣肯輸于先

手沙州獨島須嘗占鰲首之題桂林一枝今乃下龍
鬚之拜雖黎嶺之姓名偶似亦莆陽之氣象所鍾士
夫交口以劇談童稚祝身而願得一第恩子幸已見
少年之文累月管兒將不量老翁之分如其喜躍異
乎尋常茲又得珠璣之投馬敢無瓊玖之報

賀人及第啓

張欽夫

承恩天陛拜慶親庭閭里為榮士友增慰惟策名委
質當忠義之勉圖而學道愛人豈其利祿之是慕
願廣昔賢之志永為鄉國之光

賀人及第啓

林豈塵

子可與娛舊竊慕銜推之請身為勸駕幸許從計吏
之行旋聞擅榜之姓名益重鰲溪之人物恭惟某
官文多奇氣學有古心獨婆婆乎海水之南豈棲遲
乎衡門之下鯨波一釣手引六鼇雁塔初登名標千
佛惟五嶺之外無而僅有故一國之中望以為榮造
士論官本司馬司徒之職管兒嫁女亦老翁老婦之
情某喜不自勝賀非敢後偶未作咫尺之間遽先辱
左右之書三年驚人知毋負賢能之舉一第恩子願
勉登仕宦之途

賀王司理發舉啓

張子正

伏審文闡較藝貢籍登名式符連茹之公言不獨朋
簪之私喜恭惟 司理先輩辭高黃卷學富青箱家
傳鶴髦之風流代出烏衣之人物聲騰珠樹譽報瑤
林宜從世閱以拾青不待文場而脫白尚趨科選俯
獵俊髦是誠強學而力行非謂因人而成事曲敦雅
好遠逮好音載嘉履尚之勤彌挹謙光之著詩書禮
樂豈誦說之空文忠孝功名冀發施于實效但深依
詠曷罄敷宣

賀人發漕司舉啓

蔣元輝

厭鄉黨之考藝不足發名就計庭而決科俱云得士

凡為知識同助歡愉恭惟 某人為蜀顯家出周惇
史非逃于楊而入于墨願常守于師成豈愚于虞而
智於秦蓋始達于賞鑒勉登高第以副願言

賀人發漕司舉啓

宋嗣宗

蔚以詞華哀為舉首英名居八郡之最儒術耀一時
之光聲氣所同懽愉惟一伏惟 某人家傳師友胄
出公侯復元古而貴清真會羣才之有作抱遺經而
究終始得五傳之未傳宜收稽古之功亟取驗今之
效果由詔選起以文鳴騫驥足以先登連雁行而直
上一戰決勝已觀霸主之凱旋二雋俱來當見洛陽

之聳動某猥緣奉檄獲遂旁觀與盛事以知榮脩慶
緘而無所好音俯逮弱質增華不意餘光及此衡茅
之下尚期後幸游公兄弟之間感激云深書言莫盡

賀人發舉啓

宋仲淵

較藝專場第名入等持衡藻鑑雖分諸路之權入的
英雄實盡一時之選伏惟 某人儒林挺秀國器應
時與學深造於淵源揆藻寔兼于麗則掩徐謝之譽
豈惟錦繡之帷聯愈觀之名是稱龍虎之榜顧茲流
寓獲預榮觀特迂高蓋之臨兼賁華牋之辱誦高文
於廣坐已非飛日下之英聲冠大對於嚴宸更看泉南

之盛事

賀人發舉啓

魏仲光

伏審明詔烝髦適逢千載真賢入彀列在三人里問
爭望于餘光韋布僉騰於公議側聞盛舉倍激歡悰
恭惟 貢士三輩柱史孤風錦囊妙句家傳人物尚
餘倒屣之聲名世襲風流猶想脫靴之意氣聊俛從
于場屋定俯拾于科名迺蒙車蓋之親臨先辱滕緘
之見及神仙特秀曾非雲路之遙台宿連輝彌覺星
階之近但深佩服曷究悃私

賀人發舉啓

張欽夫

起從里選遂于計偕顧茲勸駕之初是乃策名之漸
惟國之取士豈將富貴其身而士之逢時盍厲忠嘉
之節行觀大對用卜遠圖願希董子之奏篇更加剴
切毋若公孫之曲學徒取譏羞輒因報賦之詞少致
贈言之義敷陳罔既悚惕增深

賀人發舉啓

晁子西

預鄉大夫而薦賢此云公選為郡刺史而勸駕寔有
光榮特枉來牋敢忘至意恭惟 某人才兼俊造學
富淵源遠自先儒不減西河之化善為高論猶有東
坡之風及試于廣福之庭殆多於夔相之圃鞠躬以
入拭目可觀嗟我士無諱不閔有司而不累公上諸
大夫皆曰以補文學而以為郎中蓋考行以宜然故
歷年而未有豈其老守蒙此休聲當更懋于遠圖遂
前登於高第

賀人發舉啓

鄭元顥

秋闈獻賦預唐家流寓之科天府登名亞周室賓興
之選斯名一著吾道有光伏以 秘拔省元學有本
原性無塵澤想見筆耕于平日用能脫穎於妙年姑
試長才以當大敵拔齒擢角而仕在位僅有存焉志目
中眉其去的蓋幾希矣爰乘銳氣遂啓前行諒所向

易于摧枯顧其成有如拾芥崢嶸桂籍收事業於青
春榮耀萱堂副義方之素志佇觀騰達式慰友朋

賀人發舉啓

林豈塵

程度既中無患有司之不公簡擇甚精已見羣儒之
相賀蓋十室之必有忠信故三年而賓興賢能豈徒
為槐花舉子之忙當默應柳汁神君之夢一第恩子
誰云浪者之亦為官累月答兜將見老翁之不量分

賀人發舉啓

林豈塵

三年取士選試官得鴻生一鳴驚人興吾宗必此子
想其含英咀華而自得其趣故其操觚濡墨而盡寫

所長雖儒林枝葉之相傳亦泮水淵源之所自蒲陽
有識姓亦在徐鄭之間黎嶺題詩名當繼藻蘊之後

賀人發舉啓

李舜臣

伏審妙膺里選榮中賢科于鄉有光在道增貴伏惟
慶慰國家復古于三代之後造士以六經之純號令
僅及于期年學校必興于四海宜得成才之彥用彰
樂育之能果有譽髦來入英毅伏以 某人行純而
懿學博以文筆陣掃乎千軍書帙破乎萬卷玉韞於
櫝久懷善價之求鸞飛至天果預作新之慶某繆緣
隨牒聊此備員心迷吏牘之煩望絕儒林之盛豈圖

推致尚辱顧存賜書以先為禮甚寵漸離技養竊自
負于知音李廣數奇敢復論於故將第荷謙冲之旨
不忘感戴之懷

賀正

賀秦太師正啓

李舜臣

銅儀肇序道已泰于三陽玉歷明時祥必開於五始
仁賢所履戩穀攸同恭惟太師一德享天孤忠許
國濟斯民于仁壽之域措當世於泰和之期盛德大
業而上際下蟠偉績豐功而輝今騰古乾坤整頓已
臻晏祭之休宗社監觀應享龐淳之慶當兩儀之交
泰宜百祿之是適某自顧鈍頑久居塊地欣逢穀旦
尚小壘之是拘阻奉椒觴望崇墀而莫及其為欣抃
寔倍等倫

賀文太師正啓

程子山

伏以天序更端人正啓旦是四方之資始慶萬寶之
咸亨伏惟某官道冒羣倫德隆間世服華夷之重
望著社稷之茂勲坐隆師席之儀刑益重聖朝之羽
翼為國碩艾四方猶聳于具瞻享時休嘉百福同資
於康壽某屬臨獻歲阻跪慶觴仰企崇墉益馳勤頌

賀太師正啓

汪彥章

四序更端三元啓旦紀天時之資始慶物類之向榮
伏惟 某官道冒羣工德隆四海服華夷之重望著
社稷之茂勳儼居師席之崇增重聖朝之本為國碩
英四方咸賴于熙安享時休嘉百福宜資于康壽某
屬臨獻歲阻奉壽觴企仰門閤益馳頌詠

賀丞相正啓

毛伯穎

以王次春順孟陬而謹始代天理物頌象魏以布和
宜有百祥永綏一德恭惟 某官寅亮天地鎮撫國
家經體贊元默運燮調之化行慶施惠荐更開泰之
辰順受春祺永扶斗極某備員師帥遠託陶鈞春日

載揚雖抱衰遲之感農祥是正敢忘勸課之勤

賀丞相正啓

張守真

伏以堯歷開端夏正啓旦肇天陽之來復慶人道以
更新伏惟 某官海岳純靈華夷重望勲業久書於
竹帛謀謨動應於典刑從容黃閣之經綸密勿清衷
之簡注羽儀元化久施兼善之功領袖上台式副具
瞻之美方三朝之順履宜百福之駢臻某叨領藩符
阻前槐舍永言祈頌曷罄敷陳

賀左右僕射正啓

汪彥通

伏以歷授人時謹新陽之用事史觀天象審正歲之

開端伏惟 某官全德自天禋身許國眷注久隆於
旒宸勲勞夙著於鼎彝經綸三事之司表式百寮之
右調成元化已施濟物之仁順履嘉辰益集自天之
祐某限司官鑰阻造台閔徒馳詠頌之誠莫罄編摩
之福

賀叅政正啓

宋大用

鳳歷更華龍躔易次寔四序履端之始當三陽外進
之初恭惟 參政相公正直禋身忠嘉許國遇中興
之盛旦茂夾輔之元勲聚精會神當兩儀之交泰鼎
新革故宜百祿之是道

賀兩府正啓

朱子山

三陽大亨一歲更始此天地交泰通之際乃精神會聚
之時宜有吉祥來薦君子恭惟 某官翊亮三世儀
刑百王適當龍躍之初屹有棟隆之任天其或者將
俯属于治平神寔聽之方共扶于業履况三朝之在
序惟百祿之是膺以我烝民繫股肱之是賴錫公純
嘏與邦社以同休

賀侍從正啓

采仲山

天道履端月旅陬訾之次人正布治令頒象魏之和
惟輔弼之正臣受福祥於上日恭惟 某官體賢人

之久大運君子之中庸同寅協恭久著訏謨之效行慶施惠荐更開泰之辰宜茂對于春祺遂翊登于大業某備員遐壤遠託鴻鈞春日載陽慨侵尋于年事農祥是正第勸課於民功

賀宮使少保正啓

吳子文

帝出乎震太簇交律氣之和星回於天營室直寅塗之次物所自始人其施生恭惟 宮使少保大觀文柱石朝家箕裘相業志蘊經綸之素烈躋寅亮之崇英聲茂實而騰古輝今粹學高文而光前絕後明良相遇精神聚會於一堂宗社垂休福祿永隆于四字序式當兩儀之交泰茂膺百順之來宜

賀宮使丞相正啓

汪彥章

史觀天象審正歲之開端歷授人時謹新陽之用事恭惟 某官大忠許國全德自天聳多士之儀刑隆四朝之羽翼文持化軸浸惠澤於黎元累冠公台著勲庸于宗社引年歸政養福在躬適臨元吉之辰益享休嘉之慶某屬分郡紱阻跪壽觴其在係瞻豈勝禱頌

賀帥相端明正啓

程子山

運同一氣卦畫三陽方天地之泰通契君臣之感會

恭惟 某官著龜先覺柱石元勳早贊化于西樞暫
偃藩于東面道乘時長福以類來^求佇膺袞黼之褒即
正鈞衡之位某限拘官守阻造賓闕

賀留守丞相正啓

楊大年

天道履端月旅取訾之次人正布治法垂象魏之和
宜輔世之正臣享格天之盛福恭惟 某官道光伊
呂學貫孔周成謨夙著於廟堂均逸暫留于藩翰兼
資文武蔚為百辟之表儀身係安危共仰一朝之耆
碩屬此履新之節適當促覲之期宗論宏言蘊忠誠
而入告隆名異數與剛德以偕升某托迹鴻鈞備員

遠服春祺湛湛喜聞袞繡之來歸輿誦每每但見壺
觴之相慶其為瞻頌曷罄敷陳

賀帥相大資正啓

游如山

伏以周官布政順兩儀交泰之時魯史書元肇萬物
發生之化伏惟 某官蚤隆耆望克邁壯猷秉斯道
以覺民馨志誠而許國謀謨近弼天子每器其能密
勿中樞朝廷孰出其右久安外鎮固鬱具瞻茲茂對
於昌辰宜倍膺于繁祉某阻伸慶壽第切馳誠其在
詠瞻豈勝云喻

賀留守大資正啓

陳君舉

伏以玉瑄發春蒼靈乘序經書元統繫萬事以開端
易著泰文肇三陽而首化伏惟 某官才兼文武德
備忠嘉以學術冠映士林以謀謨夾輔王室睿衷眷
倚固有異于列藩碩福繁昌宜亟膺於召節履是歲
初之吉倍迎神貺之休某阻奉壽觴第深瞻頌

賀帥相大資正啓

毛伯穎

伏以五始謹元適啓履端之候三朝首祚肇開有德
之朝伏惟 某官廊廟宏 樹國家重器機沉物表道
覺民先夙叅右府之嚴屢總介藩之寄固宜令序茂
擁繁蕃休某限領守符阻前慶禮其為瞻頌曷罄敷陳

賀帥相大資正啓

曾仲通

伏以四序守端三元啓旦紀天時之資始慶物類之
向榮恭惟 某官德履在躬忠誠許國久更侍從之
要遂總權衡之司歷守劇藩悉登美政惟宸衷眷倚
之舊矧士論係瞻之勤佇促鋒車入陪柄任履茲元
序宜集繁禧某阻慶壽觴馳誠賓廡

育晦日戌刻校完風聲尚壯也

聖宋名賢五百家播芳大全文粹卷二十五終